

《續修四庫全書》編纂委員會編

續修四庫全書

上海古籍出版社

四五四・史部・史評類

廿二史考異一百卷 (清)錢大昕撰……………一

三史拾遺五卷 (清)錢大昕撰……………八八一

予弱冠時好讀乙部書通籍以後尤專斯業自史漢訖
金元作者廿有二家反覆校勘雖寒暑疾疢未嘗少輟
偶有所得寫於別紙丁亥歲乞假歸里稍編次之歲有
增益卷帙滋多戊戌設教鍾山講肄之暇復加討論開
與前人間合者削而去之或得於同學啓示亦必標其
姓名郭象何法盛之事蓋漢恥之也夫史之難讀久矣
司馬溫公摭資治通鑑成惟王勝之借一讀它人讀未
盡十紙已欠伸思睡矣況廿二家之書文字煩多義例
紛糾輿地則今昔異名僑置殊所職官則沿革迭代冗
要逐時欲其條理貫串瞭如指掌良非易事以予傳少

敢云有得但涉獵既久啓悟遂多著之鉛槧賢於博奕
云尔且夫史非一家之書實千載之書祛其疑乃能堅
其信指其瑕益以見其美拾遺規過匪爲齟齬前人實
以開導後學而世之攷古者拾班范之一言摘沈蕭之
數簡兼有竹素爛脫豕虎傳譌易斗分作升分更子琳
爲惠琳乃出校書之陋本非作者之譽而皆文致小疵
目爲大創馳騁筆墨夸耀凡庸予所不能效也更有空
疏措大輒以褒貶自任強作聰明妄生疵病不卅年代
不揆時勢強人以所難行責人以所難受陳義甚高居
心過刻予尤不敢效也桑榆景迫學殖無成惟有實事

求是護惜古人之苦心可與海內共白自知繁燭之光
必多罅漏所冀有道君子理而董之庚子五月廿有二
日嘉定錢大昕序

廿二史攷異總一百卷

史記五卷

漢書四卷

後漢書三卷

續漢書二卷

三國志三卷

晉書五卷

宋書二卷

南齊書一卷

梁書一卷

陳書一卷

魏書三卷

北齊書一卷

周書一卷

隋書二卷

南史三卷

北史三卷

目錄

二

唐書十六卷

舊唐書四卷

五代史六卷

宋史十六卷

遼史一卷

金史二卷

元史十五卷

目錄

三

及門參訂姓氏

益都李文藻南澗

歷城朱攸遠亭

平度戴如煌秋鶴

黃平李臺南有

昌平陳本敬仲思

濟寧趙維翰

湘潭石鴻翥石泉

寧鄉周在斌

仁和陸飛起潛

參訂姓氏

錢唐潘庭筠蘭垞

仁和鮑銳紫庭

秀水吳春濬閬林

嘉善孫銀槎竹尹

嘉善孫銘葵山尊

蒙自尹壯圖楚珍

元和莊承籛少彭

羅山李芸經耕五

永城丁儻

光山徐森

濰縣郭守璞

諸城王綬珥

聊城任銳錫

歸安沈咸熙熙人

高陽韓龍震東簣

宛平孫維龍易堂

清泉丁姓

清泉丁正心

餘姚邵晉涵二雲

仁和翟均廉春陞

山陰孫鑑南湖

山陰吳尊盤殿六

錢唐仇養正一鷗

錢唐韓朝衡開雲

大興黃符綵見滄

鉅野姚學甲半塘

芮城李騰蛟鼎北

永城呂斐

正陽葉林林伯寧

陽湖孫星衍淵如	海鹽張燕昌宅堂
上元董敦增觀橋	上元黃鎔又軍
汾陽曹錫齡受之	江寧端木煜星垣
汾陽曹祝齡申之	江浦韓廷秀紹真
上元談泰階平	上元程國鐘元音
上元鮑璉文石	上元顧椿年莊林
上元張師式	句容李德音
江寧焦以厚載之	上元余旻秋農
江寧嚴觀子進	婺源吳山南石湖
宣城孫源潮達甫	婺源吳國南二爲
參訂姓氏	
上元陶渙悅怡亭	上元王汝翰西林
上元顧滋	桐城章維極
嘉善錢清履慶貞	鎮洋楊雲璩鈞再
鎮洋楊雲煜宿占	太倉李錫恭蓉塘
鎮洋王洲步濠	錢唐何元錫夢華
元和陳鶴稽亭	吳縣潘世恩槐堂
吳縣潘世璜蘭堂	海鹽吳東發侃叔
震澤費士璣玉衡	吳縣袁廷禱綬階
元和李銳尙之	元和戈由襄小蓮
吳縣鈕樹玉匪石	同邑李庚芸書田

長洲吳嘉泰東屏	同邑張彥曾蜚文
同懷弟	大昭晦之
姪	塘學淵
男	東壁星伯
胞姪東垣既勤	東塾學仲
釋以成	同同人
增同邑羅中溶鏡齋	
參訂姓氏	
青浦許蔭堂仲升	

史記一

廿二史攷異

錢大昕學

卷首題宋中郎外兵曹參軍裴駟集解 按索隱序稱外兵參軍後序稱外兵郎互有不同攷隋書經籍志史記八十卷宋南中郎外兵參軍裴駟撰又宋書南史本傳俱云南中郎參軍蓋龍駒爲南中郎府之外兵參軍宋齊之世四中郎將皆以皇子爲之得開府置官屬外兵其一曹也南中郎者所仕府之名外兵者所署曹之名參軍則其職也中郎之上當有南字索隱後序稱外兵郎則誤甚矣

攷異

史記

五帝本紀

幼而徇齊索隱云大戴禮作叔齊一本作慧齊 今大戴禮作慧蓋慧之省

其色郁郁其德嶷嶷索隱云大戴禮郁作神嶷作俟

今大戴禮亦作郁郁嶷嶷與小司馬所見本不同蓋後人據史記轉改

東至于蟠木 予謂蟠木者扶木也呂覽爲欲篇西至

流沙東至扶木又求人篇禹東至搏木之地說文搏桑神木日所出也搏與扶通扶木卽扶桑古音扶如誦聲轉爲蟠也漢書天文志蒼爲扶鄧八云扶當爲

蟠

便程東作 程秩聲相近詩秩秩大猷說文作戠戠程从呈聲戠从戠戠亦从呈聲故程戠俱與秩通也說文引書作平聿

便程南譌 索隱正義本皆作爲字

試不可用而已 尚書云試可乃已古人語急以不可爲可也古經簡質得史公而義益明

曉四嶽 尚書曉爲吝吝曉聲相近

舜飭下二女於嬀汭索隱云二女長曰娥皇次曰女英系本作女嬨大戴禮作女嬨 嬀匣皆英之轉

攷異

史記

歸至于祖廟廟 說文无廟字廟者爾也考於七廟爲

最近故稱爾後人因加元旁尚書作藝祖馬融云藝福也蓋用史公說藝福音亦相近

徧告以言 古音敷如布徧布聲相近奏告亦聲之轉

也秦屬齒音告屬牙音均爲出聲故亦得相轉

堯二女不敢以貴驕事舜親戚正義云親戚謂父瞽叟

後母弟象妹嬀首等也 古人稱父母爲親戚大戴

記曾子疾病篇親戚既沒雖欲孝誰爲孝孟子盡心篇人莫大焉匹親戚君臣上下楚世家楚人皆憐之如悲親戚猶言如喪考妣也孟嘗君列傳使使存問

獻道其親戚亦謂其父母也正義兼弟妹言之非史公之旨

誰能馴子工 馴與順同易坤初象傳馴致其道至堅冰也其文言曰履霜堅冰至蓋言順也可證順即馴字尚書疇若子工若訓順故史公以馴代若

教穉子注尚書作肖子孔安國曰穉肖聲相近 按穉

肖聲相近乃裴氏說非孔安國注也曰下當有脫文朕畏忌讓說珍偽徐廣曰一云齊說珍行 尚書云朕

皇讓說珍行孔傳訓皇為疾疾齊聲相近故又作齊

也偽讀如平秋南偽之偽前偽見漢書王莽傳偽即為字行為

攷異

史記一

三

聲相近

惟時相天事 按釋詁亮相皆訓導故變亮言相正義

訓相為視失之

息慎注鄭元曰息慎或謂肅慎 息肅聲相近

顧弟弗深攷注徐廣曰弟但也 弟但聲相近俗書弟

但字作第次第字作第皆不合六書之旨

夏本紀

蘇之父曰帝顓頊 索隱按漢書律歷志顓頊五代而

生蘇證蘇非黃帝之子攷山海經黃帝生駱明駱

明生白馬白馬是為蘇蘇生禹山經所云黃帝當是

顓頊之謬狀亦无五世

齊穆穆穆 司馬相如封禪文收收穆穆穆子之能收

收即齊穆也古音齊如門与收相近收即晏字

齊河維沅州 沅州本以沅水得名尚書作兗州山諫

變立水為橫水在上又誤三為六耳

汶嶠既義正義云括地志云岷山在岷州溢洛南一里

洛當作樂唐書地理志岷州溢樂縣有岷山

益讓帝禹之子啟 史公書於漢諱皆回避如恒山作

常山微子啟作微子開盈數作滿數是也亦有不盡

狀者周本紀邢內甸服邢外侯服封禪書五岳皆在

攷異

史記一

四

天子之邦犯高帝諱殷本紀盈鉅橋之粟樂書盈而

不持則領晉世家萬盈數也以從盈數春申君列傳

盈滿海內犯惠帝諱天官書壬癸恒山以北恒山之

北氣下黑上青封禪書北岳恒山也至琅邪過恒山

田齊世家以為非恒人張儀傳獻恒山之尾五城祀

文帝諱夏本紀益讓帝禹之子啟禹子啟賢諸侯皆

去益而朝啟啟遂即天子位是為夏后帝啟殷本紀

帝乙長子曰微子啟啟母賤不得嗣李文本紀夏啟

以光燕世家禹薦益已而以啟人為吏及老而以啟

為不足任乎天下啟與交黨攻益奪之犯景帝諱此

非史之駁文後人以意改易耳若呂后諱雉而殷本紀封禪書不避雉字或史公本文如此蓋呂氏傾危社稷史臣未必爲避諱也宋史禮志紹興二年禮部太常寺言漢法邦之字曰國盈之字曰滿止是諱曰國曰滿本字見於經傳者未嘗改易司馬遷作史記曰先王之制邦內畿服邦外侯服又曰盈而不持則傾於邦字盈字亦不改易此說未厭

注張敖地理記曰濟南平壽縣其地卽古斟鄩國 濟南當作北海張敖未詳何代人

斟氏戈氏 索隱本作斟戈氏卽斟灌也戈灌聲相近上氏字衍

殷本紀

攷異

史記

五

子其大理女注尚書理字作資 理資聲相近詩釐爾

圭瓚鄭康成引作資釐理義亦通也

至于泰卷陶索隱云鄒誕生卷作餉又作洞則卷當爲

坳 卷坳聲相近泰与大古文通

大最樂戲于沙邱注徐廣曰最一作聚 最當作聚說

文取積也音与聚同功臣表注孔子文生最說文以

最爲積聚字此最字亦取字之譌

紂走入登鹿臺注徐廣曰鹿一作麋 麋鹿聲相近

周本紀

子公叔祖類立索隱云系本云太公組紂諸蓋 紂當

作盤音戾盤類聲相近也盤綠色紺青赤色与綠相似故又云組紺

兩造具備注徐廣曰造一作遭 兩遭猶言兩曹說文曹獄之兩曹也

孔子卒 案周秦二本紀魯燕陳衛晉諸世家皆書孔

子卒而吳齊蔡宋楚世家則不書夫孔子魯人也其

卒宜書于魯世家孔子有東周之志孔子卒而周不

復興矣以其卒之繫于周則書于周本紀亦宜也若

秦若衛若陳若晉与燕于孔子何與而亦書孔子之

卒也或曰孔子之卒史遷爲天下惜之故不獨于魯

攷異

史記

六

書若朕則十二國宜皆書何爲而有書有不書也且

孔子之先宋人也齊楚与蔡孔子嘗至其國焉視秦

晉燕之從未一至者有閒矣何爲乎宜書而反不書

也

周太史儋見秦獻公曰始周与秦國合而別別五百載

復合合十七歲而霸王者出焉 案此語周本紀載

之秦本紀載之封禪書老子列傳又載之蓋重出者

四矣秦本紀作七十七歲老子列傳作七十歲皆傳

寫之譌索隱正義于周本紀封禪書皆有注可證

子叔王延立索隱云尚書中候以叔爲然鄭元云然讀

曰報王邵按古音人扇反今音奴板反 說文報从

赤艮聲艮柔也讀如輭故古讀報爲人扇切

王報時東西周分治 報非王名當云報王

韓徵甲与栗于東周 戰國策以爲西周

秦本紀

我不殺戎王則不敢入邑 據此則周未東遷之日戎

已僭王號如徐偃王楚句亶王鄂王越章王之類也

其後有亳王義渠王獮王皆戎種

以女弟繆嬴爲豐王妻 豐王未詳闕本作幽王幽豐

字形相近狀幽王妻申后非繆嬴

攷異

史記一

臣常游困于齊而乞食鉅人注徐廣曰鉅一作鉅正義

云鉅地名在沛縣 子謂沛非齊地

庶長改迎靈公之子獻公于河西而立之殺出子及其

母沈之淵旁 呂氏春秋當實篇秦小主夫人用奄

變羣賢不說自匿公子連在魏聞之欲入從鄭所

之塞右主然守塞弗入曰臣有義不兩主公子勉公

矣公子連去入翟從焉氏塞齒改入之夫人聞之大

駭令吏與卒中道因變曰非擊寇也迎主君也公子

連因与卒俱來至雍圍夫人夫人自殺公子連立是

爲獻公不韋言秦事必可信小主者卽出子齒改者

庶長改也呂氏言獻公名連而索隱云名師隰未知
所本

與齊威楚宣魏惠燕悼韓哀趙成侯竝 據六國表秦

孝公元年當齊威十八年楚宣九年魏惠十年燕文

公元年韓莊侯十年世家作趙成侯十四年此云燕

悼韓哀誤也正義讀竝爲白浪反屬下淮泗之閒爲

句亦非

與晉戰鴈門索隱云紀年云与魏戰岸門此云鴈門恐

聲誤也秦與韓魏戰不當遠至鴈門 按岸鴈聲相

近故岸門亦作鴈門非謂代之鴈門也

攷異

史記一

樛里疾攻魏焦降之 樛里疾卽樛里子也說文樛作

樛

庶長疾攻趙虜趙將軍莊 樛里子傳虜趙將軍莊豹

攻韓南郡取之 六國表作南陽按戰國之際韓魏皆

有南陽魏之南陽卽河內之修武左氏傳晉於是始

啟南陽是也韓之南陽卽秦漢南陽郡也但秦昭王

三十五年已置南陽郡而此又云攻韓取之亦似可

疑若江陵之南郡則楚地非韓地也

秦始皇本紀

嫪毐封爲長信侯索隱云按漢書嫪氏出邯鄲王劭云

賈侍中說秦始皇母子字即与嫪毐淫坐誅故世人罵淫曰嫪毐也 案賈侍中說以下出許叔重說文其所引漢書則班氏无此文當是漢書注也南越傳嬰齊取邯鄲嫪氏女索隱云嫪音紀虬反嫪姓出邯鄲此嫪字正義亦音紀虬反蓋嫪嫪古文通用今人讀嫪爲郎到切非也

九年正義云穆帝永和八年石勒爲慕容俊所滅 俊与儁同是歲儁滅冉閔非石勒也

梁傳至天正二年侯景破梁至廣陵 案侯景廢簡文帝而立豫章王棟改元天正是年景即篡位明年景攷異

史記一

九

咸而傳國璽入于齊則天正无二年也此云天正二年蓋據北齊紀載之文削侯景之年亦不用承聖號也

搏心揖志索隱云搏古專字左傳云如琴瑟之專壹

搏當作搏說文搏壹也俗本搏作搏尤誤指古輯字書輯五瑞史記亦作指

北過大夏正義云杜預云大夏太原晉陽縣按在今并

州 予謂正義說非也 王立石誇聲教之遠豈近

取晉陽之地乎周書王會解正北空同大夏大宛傳張壽從月氏至大夏卽其地也

別黑白而定一尊 李斯傳別作辨古書辨与別通周禮小宰聽稱責以傳別故書作傳辨

異取以爲高 李斯傳作異越

雖萬世世不軼毀正義云軼徒結反 軼与迭同古書軼迭二字多通用左氏傳彼徒我車懼其侵軼我也釋文軼直結反讀如迭成十三年迭我殺地亦侵軼之義封禪書軼興軼衰漢書作迭興迭衰

飯土墻毀土形 李斯傳墻作甌形作釧古文簋与甌

同讀若九与瑠音相近太史公自序形作刑瑠亦作簋徐廣注云一作湏說文无瑠字則此文當爲湏也

攷異

史記一

十

子嬰爲秦王四十六日 李斯傳子嬰立三月

項羽本紀

項梁使沛公及項羽別攻城陽 城陽當作成陽縣名

屬濟陰郡非齊之城陽國也

誰爲大王爲此計者 此時沛公未爲漢王蓋臣下尊之之稱項羽亦未自王故沛公呼爲將軍而范增項莊已稱爲君王樊噲張良亦稱爲大王史亦屢書項王皆據當時相尊之詞

烏江亭長檣船待 檣當從鄒氏本作樣樣与漾同

高祖本紀

秦泗川監平注文穎曰泗川今沛郡也 案曹參世家

樊噲周昌傳俱作泗水漢書地理志沛郡秦泗水郡而本紀亦作泗川

別攻城陽屠之 城當作成卽下文所謂至成陽与杠里者也

至成陽與杠里索隱云成陽縣名杜濟陰韋昭云杜穎川非也 按成陽漢書作陽城故韋昭以穎川之陽

城當之當從史記作成陽爲是

高祖已擊布軍會甄注按漢書音義會音僧保邑名甄

音直僞反索隱云漢書甄作侑音保非也 案漢志

攷異 史記一

十一

沛郡斬縣有雒鄉高祖破黥布師古音雒爲直惠反卽此會甄也隸書垂似侑故漢書高紀譌爲侑字孟康讀會爲僧保之僧非讀甄爲保小顏未達孟義妄有訾警小司馬又承顏之謬而不察尔

呂后本紀

得定陶戚姬注如淳曰姬音怡眾妾之總稱也索隱云

如淳音非也姬周之姓天子之宗女貴于它姓故遂

以姬爲婦人美號 予謂姬从臣聲姬妾字讀如怡

乃是正音六朝人稱妾母爲姬字易而音不殊与姬

姓讀如基者有別如淳去古未遠當有所受小顏小

司馬華輒非之誤矣

寧蚤自財 財与裁同悔不早自引決也漢書高五王

傳財作賊小顏訓爲害義亦通

更名梁曰呂呂曰濟川 案呂后二年割齊之濟南郡

爲呂王奉邑及呂產徙王梁地改呂國曰濟川以王

孝惠之子則濟川卽濟南也諸呂旣誅先徙濟川王

于梁乃告齊王令罷兵蓋仍以濟南還齊矣

孝文本紀

古者殷周有國治安皆千餘歲 案殷周有天下皆不

及千歲云千餘歲者并稷尚受封之年計之漢書作

攷異

史記一

十二

且千歲

子某最長 案高帝紀書文帝名景帝紀書武帝名此

稱某例亦不一

孝景本紀

二年封故相國蕭何孫係爲武陵侯 表作武陽其

嘉非係也

三年立楚元王子平陸侯劉禮爲楚王正義云應劭云

平陸西河縣 案東平國有東平陸縣此劉禮所封

邑也水經注據陳留風俗傳以尉氏之陵桐鄉故平

陸縣指爲劉禮所封者失之若應劭韋昭輩以爲西

河之平陸則謬甚矣

五年五月丁卯封長公主子蟜為隆慮侯 案年表

元五年五月丁丑隆慮侯蟜元年徐廣據本紀以證

表之非子攸功臣表隆慮侯周通以中元元年有罪

國除則蟜之封隆慮必在中元年以後紀書于前五

年者非矣漢書年表景帝中五年隆慮侯融以長公

主子侯二十九年坐母喪未除報姦自殺館陶公主

卒于元鼎元年距孝景中五年正二十九歲又足證

史記之表是而紀非也融與蟜字形相涉而誤

六年封趙丞相嘉為江陵侯 表作江陽

改異 史記 主

中元年封故御史大夫周苛孫平為繩侯 據表是年

封周成孫應乃苛之曾孫也平則嗣應為侯者徐廣

云平一作應近之

中六年城陽共王薨正義云城陽今濮州雷澤縣古成

陽也 按城陽國治莒漢志謂文帝二年別為國者

是也濮州之成陽漢時屬濟陰郡乃梁地非齊地且

成城字異正義說非是

孝武本紀 張晏云此紀褚先生補作予謂少孫補史

皆取史公所闕意雖淺近詞无雷同未有移甲以當

乙者也或魏晉以後少孫補篇亦必鄉里妄人取此

三足其數爾秦始皇本紀末有漢明帝十七年十月

云云平津侯傳末有太皇太后詔大司徒大司空云

云司馬相如傳贊有揚雄以為靡麗之賦勸百風一

云云皆魏晉以後人竄入

有司與太史公祠官寬舒等議 按封禪書兩稱太史

公與祠官寬舒連文而不著名為其父諱也是年郊

雍為元鼎四年其明年冬至郊拜泰一皆談為太史

公時事談以元封元年卒卒後遷始繼之漢志稱談

名得其實矣以太史公為太史令則據後官制追改

之

改異 史記 古

與王不相中得 得字衍

不虞不驚 古文虞與吳通漢碑亦有不虞不揚之文

今封禪書作不吳乃後人据毛詩私改

黃帝得寶鼎宛侯 封禪書作宛胸宛胸蓋地名濟陰

郡宛句縣是也漢志作晁侯晁即宛之誤侯句音相

近

改異一

史記二

廿二史攷異二

錢大昕學

三代世表

抱之山中注抱音普茅

抱讀爲拋說文無拋字徐

氏新附有之从尤从力于義無取替卽抱之譌

十二諸侯年表

人事淡 淡與市同

庚申共和元年

史公以漢武太初元年歲在焉逢攝

提格據此上推共和之元不值庚申且漢人言太歲

百四十四年而超一辰不皆依六十之序故史公作

攷異

史記二

表有年歲而無干支此表庚申甲子甲戌之類蓋徐

廣注非史記本文

周襄王十四年叔帶復歸于周

本紀在十二年

魯孝公稱元年伯御立爲君稱爲諸公子十一年周宣

王誅伯御立其弟稱是爲孝公

案魯世家伯御卽

位十一年周宣王伐魯殺其君伯御立稱是爲孝公

二十七年孝公卒漢書律歷志伯御卽位十一年孝

公卽位二十七年與世家合表乃以伯御之元年卽

爲孝公之元年故孝公有三十八年失其實矣

魯莊公三十二年莊公弟叔牙鳩死子般季友奔陳

子般上下皆當有脫文

齊靈公二十七年晉國臨淄晏嬰大破之 按齊世家

靈公走入臨淄晏嬰止靈公靈公弗從此文當有脫

誤

晉厲公壽曼

春秋晉弑其君州蒲卽厲公也蒲乃滿

之謗曼滿聲相近古書酬酢字或作醻是壽與州通

衛文公二十三年重耳從齊過無禮 世家在十六年

衛殤公狄

世家作春秋狄皆殤之謗漢書古今人表

作殤春秋作剽剽殤音相近

衛君起元年石傳逐起出索隱云傳音圖或作專音數

攷異

史記二

左傳作石圖圖傳音相近傳蓋傳之謗專亦當

六國表

十二諸侯年表始于共和以前則三代

世表紀之終于周敬王四十三年

孔子身後二年

子其時惟陳曹先亡耳史公以六國表繼之晉衛附

于魏鄭附于韓魯蔡附于楚宋附于齊各述其後事

呂續前表文簡而法密矣三家分晉魏得晉之故都

故魏人自稱晉國

孟子言梁惠王而韓趙則否史公

以晉附魏蓋以此

湯居于亳注徐廣曰京兆杜縣有亳亭

按股本紀湯

始居亳皇甫謐曰梁國潁縣爲南亳湯所都也書立

政有三亳說者以爲湯始居南亳杜宋州穀熟縣西南後徙西亳卽河南偃師縣而景亳湯所盟地則宋州北五十里大蒙城是也三亳非一地要非京兆之亳亭明矣秦本紀寧公二年遣兵伐蕩社三年與亳戰亳王奔戎遂滅蕩社徐廣云蕩一作湯社一作杜皇甫謐以爲亳王號湯西夷之國又云周桓王時自有亳王號湯非殷也封禪書于杜亳有三杜王之祠亦指此蓋京兆之亳乃戎王號湯者之邑而徐廣以爲殷湯所起其不然乎然此篇稱作事者必於東南收功實者常於西北乃述禹與西羌周始豐鎬而及攷異

史記二

三

於湯之起亳則史公同以關中之亳爲湯之亳矣魏獻子韓宣子趙簡子表始于周元王元年卽晉定公三十六年也魏獻子舒以魯定公元年卒韓宣子起之卒當夏杜其前安得此時尙存乎三家分晉唯趙氏最强世次分明故于表首著簡子四十二年而魏韓闕之蓋魏自文侯韓自武子以後年數乃可表也後人妄益獻子宣子字於魏韓下失史公之旨矣春秋傳魏舒之後有魏曼多世家作魏侈侈諡襄子見世本此與趙簡子同時者當是魏侈也春秋傳韓起之後有韓不信趙簡子而世家言宣子之後有貞

于簡子莊子未審當是何人

魏文侯二十五年太子壽生 韓爲子擊之子不當云太子

齊威王六年晉伐到鯁度索隱云劉氏鯁音屬沈反

沈當爲沈之譌鯁陵世家作博陵

趙成侯六年敗魏涿澤 魏齊世家並作濁澤古文濁

涿通五帝本紀涿鹿或作濁鹿

秦昭王二年桑君爲亂誅 按秦本紀庶長壯與大臣

諸侯公子爲逆皆誅桑與壯音相近穰侯傳誅季君之亂亦指桑君也

攷異

史記二

四

魏安釐王十一年秦拔我廩卽注徐廣曰或作邢卽

按秦本紀亦作邢卽當以邢爲是

秦楚之際月表

楚項 別項于楚者義帝雖項氏所立羽不爲義帝用

也且項梁與沛公起兵皆杜陳涉未敗之前其後權

奉義帝不得竟係于楚

漢 表列漢于趙齊之下燕魏韓之上趙齊強也趙先

于齊者據起之先後也

秦二世元年 自是年七月以後諸侯以起兵之月爲

始以次數之項梁十二月籍十七月趙歇二十六

田市十九月沛公二十九月韓廣三十月魏豹十八月韓成二十一月皆計月不計年也義帝元年以後諸侯以始封之月爲一月數至十二月卽稱二年一月如韓王信之三年一月卽楚四年十月英布之二年一月卽漢五年七月而漢王獨稱正月者別于諸侯也趙歇田市韓廣魏豹韓成皆稱王已久則仍前之月數之而不計其年歲終四十八月市終二十四月廣終三十七月豹終三十八月成終二十七月前後義例已爲不倫臨江王共敖與十八王同時封獨不稱二年一月仍稱十三月敖終于三十一月敖子

攷異 史記二 五

驪終于十六月又何說也

漢興以來諸侯年表

漢獨有三河東郡潁川南陽自江陵以西至蜀北自雲

中至隴西與內史凡十五郡 十五郡謂河東河南

河內東郡潁川南陽南郡卽江陵漢中巴郡蜀郡隴西

北地上郡雲中并內史也五原郡元朔二年始置故不數

休邪臣計索隱云休音誓休訓習 休當作怵傳寫之

譌

故齊分爲七趙分爲六梁分爲五淮南分三 案此表

凡二十六格高祖始封同姓九國并齊趙梁淮南析

置十七國益以長沙當爲二十七格今檢表齊之下爲六格趙之下爲五格梁之下止三格以濟陰附于淮陽之後梁與淮陽地本相接也楚之下爲二格魯泗水本楚地衡山淮南所分亦楚故地也廬江亦淮南所分乃列于趙之下與清河爲一格似失其倫矣高帝四年初王武王英布元年 武王二字衍布已誅

高后元年初置呂國 按呂國以齊之濟南郡置當杜齊之下與濟南爲一行今列于梁之下誤也

孝文前元年分爲河間都洛城 洛城當爲樂城監木

攷異 史記二 六

作洛陽尤誤

十五年分爲膠西都宛注徐廣曰樂安有宛縣 宛上

當有高字

孝景前元年初置臨江都江都 當作都江陵

四年初王元年是爲孝武帝 是爲孝武帝五字後人

所增人也攷孝文封代王表直書其名而云高祖子

此亦當書名而云景帝子

中二年初置清河都濟陽 漢書地理志清河郡清陽縣注云王都是其證也

孝武建元元年 孝武二字亦後人所增

元鼎三年初置泗水都郵 按漢志泗水國領三縣凌也泗陽也于也郵爲東海郡治不當割爲泗水國都高祖功臣侯年表

百年之閒見侯五正義云謂平陽侯曹宗曲周侯鄭終

根陽河王氏本南監本並作陽何侯齊王本監本仁戴侯祕蒙三本

家誤穀陵侯馮王本監本偃也 按史公作表終于

太初平陽曲周陽河戴四侯之免皆杜太初以後故

尙杜見侯之數也江都侯靳石以改封不與五人

列然曲周侯終根其時已改封繆陽河侯仁其時亦

改封埤山矣是太初之世不止見侯五也陽河侯據

攷異 史記二 漢表乃其石之後齊其諡非姓也正義稱齊仁似誤

太初元年盡後元二年十八 按惠景間侯者年表建

元以來侯者年表末一格只云太初已後不計年數

此表亦當如此蓋史公紀事止于天漢不及見孝武

之崩也此後人所增改

陽陵索隱云陽陵屬馮翊 案馮翊之陽陵景帝陵也

漢制陵縣屬太常元帝始分屬三輔不以封諸侯

侯蓋建平陵侯范明友封國杜南 漢志陽陵故弋陽

景帝更名則高帝時尙無陽陵之名楚漢春秋作陰陵近之

廣嚴索隱云晉書地道記廣縣杜東莞嚴諡也下又云

壯班馬二史並誤 按嚴字衍文小司馬以嚴爲諡

卽下文所云壯侯也壯當爲莊班氏避諱作嚴非有

誤也後人又誤會班史增嚴于黃字之下亦非史公

之誤漢志齊郡有廣縣

鄒侯呂台孝惠七年有罪 按漢書外戚侯表無呂台

有罪罷免之文

胡陵侯呂祿 漢表作漢陽

留 言上張旗志秦王恐降 志古文識字旗志者旗

幟也說文無幟字徐氏新幟取表識之義亦當作識

攷異 史記二 史漢多古字故爲志耳張蒼列傳沛公以周昌爲職

志徐廣云主旗幟之屬叔孫通傳張旗志徐廣云一

作幟

鄒 高后二年懿侯同元年同祿弟文帝元年同有罪

封何小子延 按漢書蕭何傳子祿嗣夢山子高后

乃封何夫人同爲鄒侯小子延爲筑陽侯孝文二年

罷同更封延爲鄒侯漢表以同爲祿母史記以同爲

祿弟旣已乖迕且同以罪除何由更得諡懿此必史

記之誤也

筑陽 文帝元年侯延元年 按此表延立十九年以